


t 082



谷村文  
4-08  
シ-1

天文 接待 示象  
第席 帝王 退院  
時事 宰臣 辞  
地理 慶賀  
靈跡 道士  
寺觀 父母  
居處 伎藝

来 九





天文  
寺觀  
宰臣  
任院

節序  
辰處  
慶賀  
示衆

時事  
田地  
道士  
退院

地理  
接待  
父母  
辭

靈跡  
帝王  
伎藝



重刊貞和類聚祖苑聯芳集卷第三

天文

圓時缺處何曾有缺處圓時自儼然舉世盡隨圓缺走幾人

秀出未生前

擬月

東山

猶自單衣怯夜闌不風亭戶子聲乾平生知己蓮峰月不為

衣單不倚欄

冷泉待月

北礪

一痕隱介亭西庑亮樓頭未醉時多是團圓深夜看可曾

見此巧如眉

鳳泉初月

紙窗茆屋夜蕭蕭半滅寒燈幾度挑塞却娘生双耳朶聲

聽不在芭蕉

聽雨

占心

一雨冥濛五月天蒼苔滴碎見頑碑溪聲昨夜分明說我亦

無心漲百川

苦雨

明極



一秋長是雨淋零點滴空城夜聲三十餘年江海夢博山  
烟斷一燈明

雨夜作

一山

誰道談玄口不開虛空全是雨花臺後教散作諸方去合水  
和泥又一面

雪

朴翁

嚇得飢腸不鼓雷牙根冷地放春回味中不帶大羊氣元是  
漢家天上來

噉

石霜

宋人嗣  
今集

寒夜無風竹有聲疎密透疎櫺耳聞不似心聞好歇却  
燈前半卷經

聽

虛堂

耳根無竅眼無根兀坐蒲龕火一團一片頑心將欲裂蕭蕭  
猶自打窓寒

羅龕定起眼增明一色銀鋪世界平誰謂三更底時節有人  
打破蔡州城

子元

平沉山岳凝無声少室誰知滅一燈不信但看五六月黃河

曲是寒冰

懷古

石林

寒添少室齊腰恨凍結鰲山客路情一夜打窓声浙瀝又因  
閑事長無明

雪夜作

一山

翻空急勢自何來壓得千峰老樹低因憶尋僧下華頂茹蕨  
沒在石橋西

偶成

栢堂

積雪堆中起悟端工夫元不在蒲團普通年代雖深遠一度  
思量一度寒

和懷古

住仰山古心誠

胡雪岩款

一夜漫雪滿空思量不覺到鰲峰曾即密領岩頭意畢竟  
難瞞店主翁

寄同行

竺山

一華擎出一如來六出團圓咲臉開誠得觸體元是水摩耶  
宮裏不投胎

雪佛

子元



一出何如六出奇金毛失却為全提開浮世上日亭午便是

獅子

愚極

當陽返擲時

通身是水元無物一片雲凝擗不沉大地變成生鍊面不容

明月落波心

冰

子元

喚得蜿蜒覺黑甜油然雲氣起沉潛一聲霹靂飛寥沉三日  
雲霧洗赫炎水足舊畦仍浸開夜涼新月又闌簷令君後樂  
先黎庶大有今年不再占

賀李臨海雨

杜礪

十月初三四雪

霰集三秋後花飛十月初更添兩度白併作一年書稻墮齊  
生耳畔田爛弗鉏寒敲君子竹壓折怕林疎

雪

集霰夜才分續霏曉更零未乘風洒先挾雨冥冥窓失三

更黑山無一寸青有舡非剡櫂誰去扣吟肩

裂竹聲乾攪夜林寬裁玉楮漫重衾遙知山凸先平滿未暇  
崎嶇探淺深凍折衣稜須煖慰明穿簷隙怕寒侵西湖凍合

方連底獨釣無人傍湧金

南山阻雪

土燥泉枯民正憂倏然為瑞清林丘英雄無復持漢節寂寞

猶思泛剡舟正使萬邦齊玉帛應須九地絕螟蟲天工作意

裁新巧未放梅花一出頭

己巳冬十二月廿日山中雪 斷江

蠟前豈止成三日臘後那堪又兩旬若容電翻龍龍少茹茨

烟絕甯蹤頻谷鷺早失林間友池草還生夢裏春說與東君

休懊惱由來薄相是天人

戊午早春雪

天上誰修白玉輪霏人玉屑滿乾坤陽春曲裏猶為瑞鏡鼓  
聲中不見繁濱竹崩松听後夜煮茶燒栗賦清言道人庭院



無灯火只把飛花作上元

正月十四日夜雪是日立春

次韻咏雪

未苦壓僧笠寧憂打客窓  
關山正漫滅戈戟尚春撞  
穴處蟲應盡松栖鶴自雙  
誰知李常侍賊墨夜能降

秋霖今日復明朝  
滴瀝簷聲苦未消  
補漏女媧應鍊石  
渡河烏鵲謾成橋  
陰晴未定農心切  
寒暑相催客髮凋  
幾度禪房听亦厭  
怕將雙耳近芭蕉

和阻雨

平石

節序

剃髮因驚雪滿刀  
年華須信不相饒  
逃生脫死勤為佛  
莫謂明朝與後朝

和人歲旦

真淨

日出東方爽落西  
急須著眼莫遲疑  
新年不用來相賀  
江月松風是旧時

歲旦免人事

芙蓉楷

宋人嗣荆叟珏

日之相逢日之新  
何須特地致殷勤  
百年三万六千日  
祇是南柯夢裏人

南柯夢裏人

天衣懷

二宋人嗣雪豆頭

休把僧儀混俗情  
江頭荳草幾回青  
無角鎮牛眠少室  
當時豈是賀元正

霜天曉月一声鐘  
旧歲新年事不同  
佛法且從他爛却  
菜渾筒裏有春風

元日

雲叟

声利無階到枕邊  
此身輸與卧雲烟  
不回車馬來相訪  
只把新年當日年

山中歲旦

復菴

老去病生何足問  
古今多是漫悠游  
東風漸解簷前凍  
一歲嚴凝又是休

立春

白雲

一窓脩竹半欄松  
生計新年又不同  
看罷楞嚴垂足坐  
點茶湯熱炭團紅

元日偶成

雪岩



門前來往涕簋簫門裏何曾厭寂寥我欲燒燈看佛面竟將  
風雨罷元宵

幹元宵燈

北磬

村々燈火喧神社処々笙歌咽盡樓堪笑真如無定力人前

輾出百花毬

元宵二

子元

樓臺隔岸涕簋簫萬斛金蓮撒碧霄湖水東邊楊柳對也開

青眼看元宵

月澗

三月安居要護生蛾蟬蟻子乱縱橫衲僧自有轉身路不向

時人行処行

結夏二

慈受

以大圓覺為伽藍說甚前三劫後三劫折山形主文子從來

大地黑漫々

住灵隱妙峰善嗣拙庵

夏夜追涼月滿庭謝家池上旧山青自慚無物堪酬對只把

禪心伴月明

夏夜

雲外

寒泉經雨澗声長冰擁山房五月凉人事欣逢安樂節懸明

曉艾綠吹香

端午三

樵隱

五年五月初五日一段風光是勝遊濯錦江頭看競渡瑞龍

峯頂駕龍舟

清拙

等閑拈起一莖草貴如泥土賤如金活能死兮死能活那个

師僧病最深

獨々獨醒何所娛昌花菰葉憶三閭沈郎固已肥如瓠得似

侏儒一飽無

端午以角黍餽雅青山

斷江

河鼓天孫事不經競開綺席宴層冰近來人世尤多巧兒女

紛々更乞靈

七夕

物初

鍊網漫々面々開百城幾度去還來二千年結知誰解又著

三文買草鞋

解夏二

虛舟



三期罷了不施功萬里秋天西北風無孔鎗鎚成隊走苦哉  
滅却少林宗

火雲影裏一葉落玉鑑光中便見秋一任秋來又秋去大江  
依旧向東流

立秋

素魄今宵已十分廣寒宮闕啓重門青冥風露飄丹桂誰是  
心空及第人

中秋上堂

子元

桂子露濃金粟冷楓林葉老錦衣軋一年兩度中秋月三到  
亭前勸客看

閏中秋

愚谷

重陽九日菊花新高揭青帘接遠賓又覺晚來風色好不知  
落帽是何人

重陽

子元

百念灰寒三徑幽一簑烟煖勝孤裘兒孫把菊勸籬下滿泛  
杯茶報谷秋

愚極

三玄三要是何物處々笙歌醉似泥林下老僧頭雪白遠籬  
閑看菊離披

住天童怪石奇

雲峰

重陽九日菊花新茶力能難醉倒人冷地坐來頻對客拳頭  
嫌富不嫌貧

復岩

瓦鼎松聲漲苦茶替盃中物泛茱萸白衣不識緇衣客自擷  
寒英插古壺

北澗

欲採黃花病未堪卧看斜日上疎簾老來縱有登高興不到  
秦皇望海尖

九日枕上書懷

斷江

自古開爐向此朝幾人炙得面皮焦城隍却憶山居趣旋斫  
生柴煮葉燒

開爐七

高懸門戶如灰冷多謝諸公有歲寒此子死柴頭上火大家  
著力試吹看

住高峰

石田



浙人霜林起晚風同人攢草訪山叢  
最灰寒火冷休相笑且問  
堦前掃落紅

因質歲主至

子元

扣

上方火種一團雪况又天寒山又寒  
敲斷鑊爐人不到門

霜葉正飄丹

石林

淡院開爐未弄寒  
斷枝枯葉滿林坳  
青灰埽空無賓主誰管  
諸方氣焰高

氣

開爐今日無柴炭一片情懷實不安  
寒逼四山來得重大家  
收足上蒲團

橫川

柴亦多兮炭亦多滿堂都是老禪和  
絮絮累累得通身暖睡到  
天明會也麼

古林

朔風刮面雪漫天屋角風颭  
夜眠文客不禁窮歲迫江村

重買武林船

冬日

龍岩

鑊對花開別是香袖僧何處測陰陽  
滿頭白髮口生醜坐對

湖山化日長

冬至三

石林

群陰剥盡一陽舒消息全彰未盡初  
石上已抽工文筍對頭

驚起一雙魚

住江心

一山萬

類東叟

從他節序又迎新衲被蒙頭  
捲不聞清曉偶然臺上立幾多  
錯認為觀雲

月礪

林木悲嘶帶斷霞淡烟樓閣梵王家  
明朝歲律從頭起繞遍  
山茶一樹花

和上竺守歲

淮海

白髮蕭蕭又一年且看雲物遍山川  
自慚行脚無聊賴滴

泉聲流枕邊

除夜

子元五

旧去新來懶送迎  
叢叢百草遶階生  
明朝又是春風動一雨  
還添一度青



下

岩前塚上見枯形說著楊花膽也驚童子不知霜雪恨自施  
瓦礫打寒冰

忍成殘臘半宵夢飢鼠窺燈復轉頭不用相爭苦啾唧老夫  
瓶裏不多油

坐對寒檠兩歲燈絮絮空界野盤僧三更月下無人見又憶  
黃梅送老能

去來無象竟難明爆竹聲中見物情兩對梅花心似鍊夜來  
一半落江城

住虎丘水谷洲

嗣藏翁

涼秋時節諸禪子去揚朱路任差到處有山容駐錫何方  
無寺不為家萬緣脫去輕浮世一性常來看落花我亦與師

與會勝夏罷作別 真淨

雖老大更尋幽隱過年華對碧岑方井共當門有月幾人  
香殘火冷漏將沉孤坐寥

同在這道無心風傳喬木時々雨泉瀉幽岩夜々琴為報參玄  
諸子道西來消息好追尋 和秋夜對月

上元獨宿寒岩寺卧看篝燈映薄紗夜久雪猿啼岳頂夢回  
清月在梅花十分春瘦緣何事一掬歸心未到家却憶少年  
行樂處軟紅香霧噴京華 上元宿百丈 覺範七

重城車馬氣成霧隔水晶簾冷欲冰昨夜窺窓先有月今宵  
對語偶無僧臘高鶴骨柴崖露病起霜須逐旋增欲寫寶書  
驚力乏阿慈能為掃寒藤 上元夜病起

北游爛熳看并川重到皇州及上元灯火風光記前事管絃  
音節試新翻期人不至情如海穿市歸來月滿軒忽憶寒岩  
曾獨宿雪窓殘夜一聲猿 上元過京師期子因不至

及時膏雨已闌珊黃道新泥曉未乾白面郎敲金鞵過紅粧

本集題曰上元夜  
病起欲寫法花  
安樂行品血力  
呼阿慈為錄作  
此



人揭綉簾看管絃叫月宣和氣灯火燒空奪暮寒咫尺鳳樓  
開錦扇玉皇仙仗紫雲端

京師上元觀駕

好天涼夕病衰餘散步中庭瘦策扶禪客相逢宿山寺玉輪  
同看上雲衢十分歸思懸江國一半秋光入鬢鬚草露濕衣  
香霧重更將毛骨洗冰壺

中秋對月

去歲重陽瘴海濱病拈霜藥嗅清晨身閑已斷思歸夢山好  
仍逢稱意人如飯露葵欣旋摘夜窓風栗共嘗新妙年衲子  
應相笑癡鈍耽源老應真

九日

茶明人諱純因  
名華曰露葵

明日立春今日雪中殘響滴虛簷方增謾說寒威在不絕  
潛知暖氣添客去旋開書對語閑多偏為懶相兼湘山自古  
愁眉淺縱御鈿華不到尖

立春前一日雪

茅屋三間冷似冰灰頭土面十餘僧掃除自己閑枝葉不打

諸方爛葛藤就手揭開新歲曆和光吹滅旧年燈頂門別具  
摩醯眼越死超生似不曾

鴈蕩除夜

住天目

中峰本

嗣高峯

今歲

北磬

辦得今年供清哉亦稱懷野檠均柿串草具麋松釵指冷柑  
初破灰紅羊旋埋火邊相枕藉火尽又添柴

丁丑除夕

結局又開端更初數到殘小須新過割却問旧平安事之從  
頭起悠々倒指看六千三萬日逐日度何難

龍飛乙酉三三日節物催春睡不知便作花殘鶯老態略無  
天朗氣清時麗人行欠高吟續襖帖碑從厝本欺逸興不隨

今亡尽振衣千仞赴心期

上巳日

乙酉即宋孝宗即位  
四年乾道元年也

水風池館耀明粧兩袖澄鮮好晚香金注月波秋未滿銀照



星渚夜生涼素  
伶醉客陽辭酒  
總就新題略舉  
鵬拙不可忘  
安所巧聽他乞  
得巧人忙  
酬盤隱七夕

慶殘光火豁瑤  
空誰遣雲生桂  
殿東未必清明  
如五馬故令  
露霏洗垂虹涼  
燈薦喜占晨露  
渴稼懷新樂歲  
豐遙想半輪  
秋禾老腫襟袖  
振華風  
中秋無月寄吳侍御

練挂河源夜欲  
流略無雲物礙  
双眸有時長恨  
菱花破今夕  
何須玉斧修五  
載重逢餘閏歲  
百年幾見兩中  
秋更舒望海  
高東嘯細把窮  
鄉令節酬  
後中秋夕登臺  
無象宿猶小開

得月山房夜々  
秋仲秋既望豈  
常傳狡移三穴  
雖明見圓印  
千江恐暗投於  
我覆盆虛鏡面  
為誰飛輶碾雲  
頭吳兒不管  
團如璧只唱彎  
弓照幾州  
中秋

歲晚登臨似仲  
宣可勝來此拍  
闌干水圍綠野  
日將夕露遠

紫萸秋未寒欲  
雨天痕雲氣濕  
不風庭樹子聲  
乾悠然吊古  
無窮恨付與西  
風一永嘆  
九日姑蘇臺

射蛟溪上黃花  
酒灑灑氣浮溪  
靜弗瀾素羽已  
忘秋後熱紫萸  
不怕夜來寒軫  
裁彫玉鳴焦尾  
屏掩涂金炷博  
山步武自高  
吟自適何須鼓  
吹上層峦  
九日寄謝長官

除夕

住徑山藏叟珍

嗣妙峯善

七十明朝是年  
將衰併來頑皮  
禁冷暖老氣壓  
凶灾鐵硯空  
何益金丸跳不  
回羣兒愛伶利  
與汝換癡獸

人日

元日尚凝沍青  
陽忽變更一天  
新氣象七日好  
清明四海同  
文和中原偃甲  
兵會看丹詔下  
釋子罷征徭

賓鴻嘹唳菊含  
黃情尚無情各  
舉揚俗子持觴  
招靖節衲僧



宣僞憶汾陽頻吹落葉西風急旋湏輕塵小雨涼同把黃  
慰辛落齒根毛孔一時香 九日且越請說偈 不道  
三条緣下事如何駐足空山夏又過竹枝橫擔秋日短草  
投宿夜寒多盲龜何限隨鯨浪俊鷗無因隨雀羅好住白雲  
紅對裏與君同唱太平歌 休夏示衆  
鳳毛麟角出常倫星聚江千駭見聞三伏炎威猶未退一季  
秋事又平分狂瀾噴雪出滄海仙桂飄香下紫雲今夜好生  
同翫月南泉拂袖獨驚群 中秋月輪菴示諸名衲  
無風無雨重陽節四十九年清健時但得手中藜杖在未嫌  
崖畔菊花遲風流杜牧齊山會寂寞陶潛已西詩萬嶺千峰  
在窓几不須辛苦更登危 九日 斷江

匡庐九日

斷江

椿

索 秋日短娟 霸思長有筇登五老無菊過重陽雁外孤  
雲白五邊亂葉黃畦衣如可典沽酒酌柴桑  
二謝臺頭覓句忙豈知元亮卧尋陽雖無美酒浮大白亦有  
新詩寫硬黃勝日回多愁作墨餘生只合睡為鄉蕭蕭落木  
千峰裏屋角無人也自香 次韻平石九日二首  
藤閑看水雲忙嘯罷東臯又夕陽何必風流追晉宋只堪  
踈懶樂羲黃蒼龍雪瀑真歸處玉雁金渠豈故鄉聞道双峰  
賦招隱挂枝秋晚更吹香

正月十四日立春

又是殘灯節初看斗指東乱山茆屋在深雪菜盤空得句知  
吾建焚香願歲豐老成惟嗜睡賣困向兒童

中秋無月



不見玉蟾蜍孰同形影娛雲門且高卧天不勿狂趨少待繼  
靈人還看萬家俱堂上六圓鏡寧受安塵汗

時事

乾坤無地卓孤筇且喜人空法又空珍重大元三尺劍電光  
影重斬春風大元兵以刃加頸

子元二

故國迢迢路欲迷鵲鴿原冷草凄凄三年漂泊干戈重怕聽  
青山杜宇啼

亂後書懷

宣詔亭前受牒還御黃新賜清城看臣僧記得沙弥日齋年著

青衣上戒壇

初改黃衣

天隱至

宋人嗣雪  
岩欽

羯胡如鬼馬如風雪刃縱橫到處空生死路頭君自看活人  
全在死人中

亂後途中示道伴

東山

世事興亡海上漚馬嘶荒草夕陽秋一聲彈鑪空三際留得

青山對白頭

兵後徐待詔求

子元

道公膽大過身軀敢逆龍鱗上諫書獨欲袒肩擔佛法故甘  
引頸受誅鉏三季處逐心無愧万里歸來貌不枯他日教門

網紀者近聞靴笏趁朝趨

贈道法師

覺範二

漢上相逢兵火後蒼顏華髮西摧頽塵清霧歛閉身在蠟分

蟬一哄開忘裡禁林山別卓義規朋友玉容鬼瓦精次舌

休皮相曾見淄州古佛來

襄州亂后逢蒲州依上人

河淮羽騎召兵頻臘月花開暖似春關雉倚風將墜地長鯨

吸海欲生塵燒紅天半無飛鳥雲白山中有隱人回首西園

日城關斷烟荒對更傷神

京口時楚  
寇侵離騷

藏叟

地理

器地盤空勢未休瓜牙何必競時流天教生在千峰上不得



雲臺也出頭

五老獅子峰

雪豆

百後閑登塔院秋下看危磴白雲浮海門月出舒長嘯十萬

人家盡舉頭

題巾峰

子元

老盧颺下勢嵯峨近代相承著柄多是我老來無氣力從教

風雨自揩磨

鉢孟峰

住連雲寒庵相嗣德隆濟

一峰高出白雲端俯瞰天涯千萬山試向齒頭轉圓石不知

何日到人間

妙高峰

安晚鄭

鄭氏字安晚宋人嗣

狀奪西河類雄之鎮此峰瓜牙終不露孤兔自潛蹤

南峰師子山

雲峯悅

宋人初任翠岩次

三二相高狀逼真石頭堆裏解藏身霜天誤作商山皓雪頂

虎眉多一人

五老峰

龍岩

後住雲峯嗣大愚芝

庐山歸心久未降夢竟時復渡湓江忽驚古寺秋庭下翠巖

煙巒對矮窓

僧窓假山

覺範

禪庭誰作石龍頭龍口湯泉沸不休直得衆生塵垢盡我方

清冷混常流

湯泉

大言

洞門晝夜不曾閑千尺瑠璃到地寒中有谷神呼得應不將

面目與人看

水簾谷

子元

道曾不鼓波紋一滴難將別派分休問來源何處是闌干

猶掛竺天雲

八功德水

德岩

一層層復一層倚松如對雪山傾方壇月白歸來晚重看

真人礼七星

尋真觀三疊泉

龍岩三

三千尺雪從空落雁宕乳峰相頡頏好句謫仙吟未到爛銀

晴日放毫光

瀑布

品經桑葉流一片水晶寒未收依稀漢室光明殿月夜



珠簾半上鉤

谷簾泉

來往如期信不移石泓澄碧自清漪山花褪雨浮紅膩香透  
尾閭春不知

應潮泉

樵隱二

一徑通幽翠打圍闌千十二倚斜暉不知何處清飈起千尺  
鯨噴洪浪飛

千丈岩觀瀑泉

黑風袞袞六花輕天列陰崖勢欲傾到此只知霄壤冷夜深  
誰聽瀑泉聲

飛雪岩二

崖堂

落落不停機用全河翻海湧嶺崖前炎風巧剪瑤花散六月  
山中別有天

石門

直舒千尺怒谿訝高貼雲根枕水涯水竭欲飛仍小住研裏  
欲騎阿香車

渴霓石

寬畧密固斷江流好在雲藏莫浪游我欲黃金如斗大斬新

左顧鑄餘不

復齋墳前左顧石龜

一石坡陀兩種紋確然同隊不同群通身是汝通身我含毒  
那知左顧恩

龜蛇石

子元

脩竹喬松積翠陰綠楊紅葉徧園林到頭須讓西湖水淡靜  
還如君子心

題東顧西湖簡太守李秘監

五祖演

宋人  
白雲  
端

萬里江湖錦作堆綠蒲紅芡映亭臺淡烟半落孤山後一抹  
斜陽鏡面開

懷西湖

子元二

秋光瑟瑟漾勾絲水碧沙明眼似眉夜靜不知滄海濶幾隨  
宿鷺下烟磯

懷太白

就以道池上假山

真淨

數朵忽橫雲生午樹涼恍如江上畫移向澤下藏紫落魚  
翻影花飛蝶趁香却疑閑日月只在此間長



屏

李德茂家有塊石如匡山双劍峯求詩

曾次能藏大千界掌中笑看小重山飛來華岳一峯失幻出  
匡庐双劍閑偶觸篆烟雲點綴戲澆硯滴瀑瀉顏莫將道眼  
生分別隨意聊安几案間

冷靈跡

溪山本是旧青氈落澗飛泉尚宛然獨坐石橋閑濯足再來  
也是一千年

石橋

子元

天子親頒字十行難徵老子起結房只將牛糞星兒火煨得

躡鵝萬古香

懶瓚岩二

月礪

香浮黃獨地炉紅詔墨新題懶剝封閱世難移清苦節西風

次上祝融松

松岩

當機突出鴨吞螺奈此懸崖峭壁何等是蘇谿躡坐處且非

悟

蒼檜影婆娑

蘇谿牧護坐禪岩

草

介石

古人一語便心安計較何曾有百般會得衲衣之下事從教

廢禍與金欄

草衣坐禪岩二

無盡

衣冷岩房臘宿雲千年古意凜然存全身入草全身出幾度

春風補燒痕

清拙

一喝當年破石屏衆魔從此膽魂驚我來捻聽山禽語恰似

岩邊誦咒声

喝石岩

蒙山

半間石室安禪地盖代功高不易磨白蟬化竜歸海去山中

畱得老頭陀

金山頭陀岩

雲外

石火電光中出沒崖崩石裂尚難酬放行一步還知否佛是

西天老比丘

佛蹟岩

介石

主人翁已强安名何得區々喚一声坐得石頭穿到底依前



打個不惺

惺石

希叟

巨石橫鋪古澗邊撫摩重想義熙年折腰肯為五斗米拂袖  
歸來得醉眠

淵明醉石

龍岩

龍胡年深蘚暈斑一弯寒玉重如山負春顧我無餘力只作  
尋常塊石看

墜腰石

清拙

錯路頭滄海隅寒潮幾度落平蕪當時坐得簫船穩冲本  
秀天籃外魚

天衣生緣

石林

雪根鑿斷碧沈沈最苦天衣喫臘深泥水通身無雪处月明  
雁影落波心

天衣悟道井

雲谷

只將馬祖鉏刀子裂破漫天鍊網羅碧沼夜敲荷葉雨至今  
貪恨一身多

荷衣沼二

住大慈一閑溥

神物初

水面綠盤擎雨出臨風幾度倚闌干不知暖氣有多少老子

年々得禦寒

蜀段誰將似水裁錦雲落縫雪裝臺凌波不見春風一回孤自

菱花一沼開

錦鏡池

住隆教絕家鑑

嗣藏叟珍

白頭望斷万重山曠劫恩波底亂不是胸中藏五逆出家

端的報親難

大義渡

大目滅翁

數椽野店七家村雪冷更深各謹門自泄家私開賊襲至親

兄弟結成冤

鰲山店

石林

未聽飛猿第一聲指頭築破痛連心往來若問不平处人在

芦花深更深

飛猿嶺

柏堂

梅子青黃幾烟雨荷衣零落又秋風松花滿地無人食粥鼓

齋魚兩寺中

大梅山

淮海

虛空突出个拳頭壞得家無片瓦雷野老不知愁滿地深耕

二

二

一



白水痛鞭牛

水菴生緣

石林

老樹垂陰鎖斷崖  
潮生潮落露屍骸  
青山是處土三尺何事  
先生不伏埋

郭璞墓

楠堂

亦

亭前不改晉山河  
亭下春風屈曲過  
我自不知賢者事  
細按花片付流波

羲之故居

偃溪

燈殘雪案同床夢  
蝶化荒丘幾度花  
只為相逢不相識  
死生難解若冤家

梁山伯墓

埵山

三載同窓讀古書  
渠瞞汝也汝瞞渠  
羅裙臂碎成飛蝶  
依旧男兒不丈夫

祝英臺墓

明極

門掩泉臺歲月深  
曾曰一飯博千金  
世間何代無韓信  
自是人無阿母心

漂母墓

元叟端二

門掩西湖幾夕陽  
先生去後久淒涼  
声名只在棹花上  
一度

春來一度香

和靖旧宅

青瑣朱厓幻夢餘  
乾坤等是一蘧庐  
刻舟求劍千年後  
陽羨溪山是故居

東坡居士故居

埵山

心難難為蓮社友  
翻經肯向俗流通  
可憐一對登山屐  
埋在池塘春草中

謝靈運墓

酬對丹霞護短時  
豈知今日解如斯  
冷看藤蔓翻風雨  
尚有機心在翠微

靈照女墓

竺卿

一声呱地面境搜  
利物心如曲尺鈎  
鍾阜風高枯樹上  
飢鷹無復整危巢

寶公生緣

講經聲在轆轤間  
要見生公却又難  
一曲闌干千古意  
苦僧無語石頭頑

生公講堂

飢蚊如虎紫如針  
戶外更長不易禁  
一宿苟為安樂計  
難成



千古露筋名

高沙露筋小娘廟

月庭

石床石戶玉玲瓏坐此清愁一病翁  
猶作散花紅

遊鴈山維摩室

石林

先生採藥未曾回故國關河幾度埃  
今日一香聊遠寄先儒

亦為避秦來

子元

詞

雨花臺下真身在便是梁朝顯法師  
南岳早傳思大道北齊

曾挫陸脩訶沙門既悟神通妙道士  
休誇咒術奇舉一無人

能舉二至今佛日聖明時

題曇顯法師影堂

真淨

鉏頭當枕草為繩曾向高人說任緣  
已料太嫌沽世價未應

虛費買山錢閑編木葉鞋於紙細  
算芳花軟勝綿石室至今

增壯觀可知千載得人傳

題草衣品

覽乾

遺廟二年薦德馨不因祥眚動民情  
首嚴百行所天重自靈

一身如葉輕並駕尚餘饒氏季度題  
難覓漢時銘舟人只道

飯期迫三報寒潮莫已平

謁曹娥廟

物初

寺觀

一山南北烟霞裏兩寺東西林麓間  
開眼如今渾是夢莫言

真个在庐山

八東林寺

竹庵

雲中玉磬無時響木末金燈夜々明  
勝地正緣人罕到古今

門戶未曾扃

方廣寺

虛堂二

入眼荒榛古殿秋歲華迂謝没人脩  
夜深靜聽風颼語似罵

檀那不點頭

廢寺

夾山當日見船子法眼無瑕亦有瑕  
一棹洙涇風浪惡和根

移却杜鵑花

鶴林寺

雲外

太深藏不露機關靜处乾坤闊裏看  
不是鐘鳴霜夜月了無



声迹到人間

大隱寺

雪岩

前山清曉照晴曦、疎鐘出翠微、玉軸細看飛白字、萬杉

清露滿禪衣

萬杉寺

龍岩石

雲中獅子奮威猊、午夜金燈點、明想到五臺、山頂上炎天

一線大江橫

天池寺

蒼壁東南障半天、看山圖上幾年、遠公面目今明見、庭下

兩池開白蓮

東林寺

東林行遍復西林、東晉遺踪尚可尋、結社廣開荷露屋、黃金

難鑄二師心

西林寺

星自何年天上殞、至今畱得落星名、揚瀾左蠡無風浪、鐘梵

相和入夢清

落星寺

托宿延峯秋暮天、每月好古得盤旋、隋鐘正是山中宝、字記

開皇十六年

延峰寺

虛堂象鼓響騰々、古殿苔籠小果僧、火冷灰寒秋色、半規

山月夜燃燈

羅漢寺

石耳峰連馬耳高、蒼松翠柏遶周遭、晉門境界從何入、山靜

一声啼鷓鴣

圓通寺

春暖溫泉玉一池、華清宮裏浴娥嬋、驪山何似廬山下、地獄

鑊湯遊戲時

靈湯寺

庭前仙石鎖莓苔、石上仙花落又開、正好清明山雨霽、獨登

高閣見崔嵬

簡寂觀

彈壓奔鯨障、怒飛削成峭、峙不令支、自簷滴外水為地、於海

潮中石湧坻、蜀浪春肥渟、棹急維雲曉、濕度江遲中、冷一瀉

清如玉帟與滔、混濁移

金山

北碕



雄

半江湧出金山寺一簇樓臺兩岸船月轉中宵為白昼水吞  
平地作青天塢鈴自觸微風語湍石常磨細浪圓龍化老人  
來聽法手持珠猷不論錢

杜石二

波濤不濕老龍背寺在蒼龍背上安千古仰浮青玉鉢五更  
先湧紫金盤僧遊海國偏宜夏樹戰江風卻能寒更展神通  
三昧手高擎金碧與人看

今古茫茫幾廢興空金龍猶暖晉香灯難聞經作開山祖佛化  
身為渡海僧雲起十峯天欲雨水流双澗地藏冰烹金炉冷  
人何在歲々春風長葛藤

天衣寺次句

斷江

崢嶸兩岸市廛間投靜何辭數往來水底有天行日月山中  
無地宿塵埃塔擎灯影明雲杪船載鐘聲出琅堆濟勝真金  
人盡羨御風飛上妙高臺

住國清

無夢聖

又夢  
雲雨元

居處

史端

一鉢生涯迥不同數株清供一時供從頭採盡徑頭長不到

春風老却松

松食庵

住徑山

荆叟珏

翻  
齋  
統

山根旋縛尖頭屋溪上新開數畝田老矣不能重展手倚筇

凝目送寒烟

大義庵

虛堂

春風艤棹綠陰天指月峰高替豎拳菴主怕人嫌水淺海潮

直放到門前

題泊船菴

清拙

蓬門葦戶暖如春誰識娘生五逆心萬古米山巘嶮路草盡

無底直千金

溫蒲庵

松坡

鈍鑊頭邊意味長最難是久長心一鋤翻轉春風動寸土

分明是寸金

覺心卓庵

東岩

朕

名扁俱是何年白雲山後復山前為他拈却三行咒門外



春風蕭瑟拳

俱胚庵

龍岩

桂輪孤朗碧天寬  
簾捲清光入座寒  
底事明人不薦入移

花影上闌干

山月堂

大川

不於三界現身意  
掉舉何如憤々時  
寄語軒中燕坐者  
好看

新月下前谿

汪狀元燕坐軒

大惠

剪木依山巧鑿池  
已知馬影到人稀  
一箇寒主坐交久  
但見

双々白鳥飛

碧照軒

虛堂

全身放倒恣憨癡  
肘臂分明曲向誰  
更要夢中重說夢  
我無

不梳可來推

枕肱軒

住雪峯絕岸湘嗣無准子範

剥地声々似等閑  
分明戶破與家殘  
有時錯聽風兼雨  
又是

一般心膽寒

一擊軒

南叟

長江一葦浪花開  
合國咸知不再來  
千古凭闌一惆悵  
豈知

脚下消如草

一葦亭

石溪

危闌曲々度寒風  
海嶼烟嵐接漢空  
眼力自知窮不到  
騰箠

双袖夕陽中

含暉亭

寐庵二

吸乾大海簸紅塵  
討甚河頭渴死人  
笑撫闌干誰是主  
草蓀

盡处是沙汀

吸江亭

亭上青山草木濃  
亭前曉野白雲封  
人間何處無遊賞  
無此

門前六本松

雲封亭

清拙

松枯石老凍雲垂  
到此虛空漸覺低  
脚力盡時清興遠  
向誰

携手上天梯

妙高臺二

虛堂

古臺孤起偃蒼松  
日々烟霞夜々風  
惆悵德雲双眼冷  
善財

猶在覺城東

子元

曾不冰霜白世身  
何緣能作笑雲人  
細看独鶴青松上  
亦是



飛來一點塵

妙高臺感懷

寶葉

寒律雲邊一髮青，高有路界飛塵長。虹貫日山含影曲，為

黃金一臂伸

文殊臺

樵隱

瞿曇脚下泥三尺，老子双眸貫九天。拍碎闌干應自笑，幾人

空費草鞋錢

深遠閣

癡絕

夜半天崩地陷休，一莖草上現瓊樓。儂雖先後不同步，月幌

風櫺一樣愁

雪峰重建鰲山閣

住聖泉 岳翁淳

嗣枯禪

大道難將萬物齊，先登猶是涉階梯。等閑平步青霄外，回首

方知宇宙低

先登閣

松源

江城夜雨滿樓臺，地上殘紅撥不開。慈氏家風都漏泄，善財

南去未歸來

浮香閣

大川

規繩一鏡不容差，盡棟雕梁接彩霞。末世人無童子志，朱扉

幅

半掩夕陽斜

靈隱起方丈閣

靈山

千葉蓮中放徹欵，便宜掀倒尚生埋。念他心地法門好，且聽

從空架起來

建舍那閣

葛厨松枕午窓涼，卧看風雲草木香。彈指遍遊塵刹盡，故山

歸路笑羊腸

香林閣

一松一竹一溪雲，時有清風伴日輪。窓外泉聲長似雨，迥然

居者不知春

嘉隱堂

白雲 五祖

南公等得慈明到，三頓方知透禹門。劔已成龍滄海去，此中

空記刻舟痕

等慈堂

佛印

清客蒼官會此君，歲寒不減旧精神。有時品字論文態，各有

丰標遠襲人

三友堂

虛堂

盡底掀翻還德嶠，斬新蓋覆是雲峰。為言去却一重者，何似



于今添一重

翻蓋佛殿疏二

愚極二

有漏中藏無漏佛不宜風雨只宜晴入門道得當頭句便是

毘盧頂上行

黃面瞿曇放搭癡千方百計討便宜而今無著渾身處却要

兒孫蓋覆伴

修造佛殿

功到無功已周雕欄盈棟彩光浮是誰危坐三椽下謾把

虚空揣骨頭

起僧堂

靈山

大屋寬床設遠謨必於淺草擇長芦誰將鍊鑄功名骨端坐

忘言取甲科

長芦新僧堂

扁選佛場

月庭

薦福新開地獄門要從衲子結生冤若還將脇沾他席熱鍊

燒身又一番

新僧堂

月磬

南山驚鳳毒橫飛夢重無言啓化機曲為遮頭千載計牯牛

圈美鍊色籬

謝南山無言建留香堂

樵隱

草深一丈未為奇妙在從空架起時明眼衲僧知向背草鞋

背著任東西

幹法堂

住雪豆

大歇讓

嗣松源

老蚌虛含素月胎庭前花雨自成堆吾將倒轉風雷舌未必

續紵動地來

寶華法堂

石溪

善法堂傾法不傾欲支一木要重新行看堂下如雲擁孰謂

今無老斷輪

彰教建法堂

北磬

續火柴頭密火埋十分熾焰起寒灰有人入得个門戶白汗

須教出一回

煖閣

靈叟

半櫬柴頭独自煨一閑割定未曾開若非臭氣相投底難入

山翁室重來

惜烟

住淨豆

斷橋倫

嗣老在菴

萬樹梅檀藹衆香重規疊矩璨琳琅巨峰不是養閑漢要與



輦林作蔭涼

建長衆寮

清拙

衲僧住處有來由高架洪鐘在上頭直下一鎚聞見絕也須

更上一層樓

天童幹鐘樓

浙翁

丹梯直上到青雲大器一鳴輕萬鈞日月星辰簷下物夜臺

猶有不眠人

鐘樓

南極巽

元人嗣  
希叟雲

根椽片瓦無虛弃玉軸琅函有變通但得衆中人著力自然

八面起清風

幹藏殿

無際

掀翻六戶立生涯絕後重甦見不差父母未生前病痛孤燈

影裏阿爺

修延壽堂

伽牛

潑天臭氣立門庭要見傾腸倒腹人向未局先如薦得不來

者裏弄躡身

建東司

住天目

斷崖義

高峯  
妙

華頂光菩薩製紙龍於爐上禦寒坐禪

溪夢寺創集寒威六面虛明定起時棗柏當年惟造論火爐

頭話幾曾知

了堂

元人嗣  
高峯  
妙

勲收白業坐忘勤密室閑空絕世塵古鼎香消雲几淨日搖

花影澹無聲

題阮淨雲紙禪龕

月底

衣外單傳喚阿難二千年事實堪嘆飲光不鍊黃金鑄返把

門前鑄剎干

吳天寺前銅剎干

殷脊曾經咬破休丹霄獨步更誰儔假饒千聖同時現必竟

還它出一頭

鵲吻二

住萬壽

絕照鑑

嗣物初觀

醜惡形儀真可畏恣開大口逞嘍囉癡心莫怪無回果直向

瞿曇頂上肩

愚谷

脚尖踢出爛泥團妙在陶輪轉處看蓋覆虛空無滲漏徃教

頭上黑漫々

瓦

希叟



欄

鑊已鑄成無滲漏竈猶未砌正經營高山杖子休拈出我要  
粥香聞五更

化砌竈

石田

坐斷孤危未肯休荷擔傑閣與層樓祖翁活計丘山重得力  
全端頂顛頭

耐重子二

虛堂率庵

坐處孤高立處危全身擔負有誰知在他欄下人應笑只得  
低頭過幾時

篋纏紙裹最風流冷地  
埋沒火爐頭

煨籠

希叟

重疊有來由熱汗通身未肯休直得變生為熟去方知  
胡餅是饅頭

蒸籠

偃溪

脫躰分明類異常自然函蓋却相當衲僧骨董多狼藉收拾  
都歸爐裏藏

函櫃

彎曲形骸曾向紅爐煅煉來觸著上頭關捩子千門

萬戶一時開

門鉤

廬老門庭冷似灰東撐西拄可憐哉成家須是破家子索性  
掀翻做一回

重建行堂

住石霜

竹岩印

嗣月林觀

古佛過去已久  
將花石上栽

優曇香冷殿生苔東西敲磕誰多事又是  
佛殿前砌花壇

南極

椎鑿工夫見十全潤時知雨玉餘溫看渠負戴擎天柱个  
無非硬脚跟

磔石

希叟

个中毫髮無遮障歷个分明且十方揭却頂門些子蓋直須  
暗處也生光

天窓

率庵

團个亮隔松蘿古寂々虛堂槁木春一段光明無處著尽情  
分付楮先生

淨慈堂中覓紙糊窓

敬叟北窗

欄

矣



橫身溪上畧相酬不住中間徹兩頭行人掉臂上頭過誰信  
如今有趙州

與聚道者造白林橋

東山

誰鋪白石跨清流有路通霄接趙州千古勝游磨不得玉龍

橫斷一江秋

趙州石橋

雪岩

隔岸幽花遠襲人斷虹雲影界寒津是誰清曉貪程急踏破

霜葩迹尚新

度香橋

仲南

宋人嗣月坡明

黃沙漠々水淙々只尺之間路不通截斷波瀾進一步春風

楊柳卧晴虹

黃沙修橋

月庭

打硬工夫做得成度馬任縱橫不知那个脚跟下踏斷

一溪流水声

平居士小溪石橋

東岩

老龍衝破萬崖層深壑奔雷水湍腥我道蜀山無此險斷虹

橫跨亂峯青

三峽橋

龍岩

磨

摩稜合縫續專精要使人々正路行不動脚頭親踏著方知

此道坦然平

砌路

竹岩

佗

長江萬里湧金鰲屹立中流氣勢豪直下放教跟脚穩任

八面起風濤

金山修壩岸

虛舟

疊石如山障海潮截流機用灼然高從茲千載成基業不怕

狂風鼓怒濤

賀狼山砌壩岸

明極

橫空截壑架飛虹一片精誠鐵石同不特為蘇民病涉直須

活

要顯自家風三生願力因緣在千里江山語路通從此黃連

成偉觀試看人躡曉霜中

造黃連橋

古林

樹杪秋泉一万重波間失却兩垂虹過溪寧免脚不濕在舍

豈知途有窮且向盈圖安略約何煩杯渡逞神通丈夫到处

行方便險道津梁不計工

化橋

斷江



靖安令程節推遊山以諸堂寮旧名猥冗各隨事易  
之揭為熏修精進廓然證宗性空實際不二了義法  
忍妙用和集雲鶴老拙乃一一頌之又作通人偈共  
十三首寄呈

真淨十四

熏修

圓滿菩提道熏修乃得成理雖頓悟勝事要漸除輕鏡藉重  
磨瑩金須再煉精勸令先自利然後利群生

精進

六種波羅岸先乘般若舟自然無所住何更有蹤由勇猛能  
成佛踈慵不到頭蒙君共著力禪者總精修

廓然

每來常默坐却洞廓然襟廣大乾坤量包含日月心龐公雖

去世程老復知音別聽為霖雨當期外護深

證宗

達佛心宗也寸無差平時相應存解行瞻敬見師資琢玉當  
成器磨礱莫問伴西來諸祖令一一總如斯

性空

佛及衆生性圓明本同見聞皆共有取捨總非空在事能  
潛隱當機解變通談禪并治俗一一見全功

實際

妙湛總持際光明覺性身在家疑是客別国却為親漸誘終  
難信高提復倍嘆如今法末世教我若為人

不二

平等觀諸子家門不二開客程無是處浪迹總皈來法室名



如意禪朋善財共游華藏界寰宇一塵該

了義

迷頭曾認影了悟終成非唯有道心在更無禪病依靜中聞  
水過閑裏見蜂飛一二天真事何人共所飯

法忍

對境心常寂靈源本不生事隨高下應機逐淺深評判彰  
神用觀瞻洞覺明無非法忍力更莫外求聲

妙用

神通并妙用迎送及攀陪更不假人教自然隨事來幻身同  
艸木淨性出塵埃多謝程居士迷頭終喚迴

和集

法門元不二所到便為家圓頂施檀樹方包蓋花六和儀

有伴四攝道無涯豈獨携禪者俱登大宝車

雲鶴

旦過晚應宿山堂任去留孤雲能自在隻鶴更優游柳標開  
青眼架梁伴白頭未明西祖意萍跡謾悠悠

寄通人

道人何揀擇一二道無偏擬欲分優劣還應落蓋纏心二同  
作佛法二共談禪但尽常情也東流水滿川

禪定軒十偈

攝心名淨戒禪定號波羅到岸仍留筏行慈復度他悟懷生  
極樂見性識弥陀即此明軒下菩提薩摩訶

雖然迷悟別平等一禪心莫向雲門覓休從林際尋瑛銷成  
白玉鑪盡得黃金無比不思議靈源最甚深



本來同作佛妄想共留連此日不為道何時能去纏便宜飯  
室所休更認空拳一々天真性花開火裏蓮  
西來元不二天下所傳差佛法無多子門庭有幾家主賓今  
兔馬棒喝辨龍蛇學者宜詳審如今正可嗟  
諸祖傳心印何曾別有禪宗乘迷有異佛法悟無偏寶覺人  
々大靈機事々圓莫求奇特說荒却自家田  
小乘不見性心外別有禪妄現涅槃樂迷遭煩惱纏豈知潭  
底月元在屋頭天更把古人語將為奇特傳  
神通遊戲力一々本無生菩薩能親證如來更妙明聲聞々  
未信緣覺々猶驚唯有大乘器靈源發便清  
佛性天真事誰言別有師男兒彈指處女子出禪時不費纖  
毫力何曾動所思衆生總平等日用自多疑

像

學道先須明有悟法王法印々無偏拈來事々皆遮量托出  
心々總離緣由是衆生顛倒解不觀諸祖上來傳蓮花世界  
同遊戲主伴交參影象前  
龍象朝昏禪悅處幽深難勝此軒窓心為遊戲神通藏身是  
光明智照幢徇物高住雖有二皈源本末且無双但能知見  
同真正外道天魔替首降

大義寮

真淨

大義無文字誰云達磨傳此心元淨妙是法本明圓有執人  
々佛無生念々禪開單魚展鉢一々火中蓮  
大義即為寮包容起一朝聖凡同寂滅主伴共逍遙少語工  
夫大多聞惠解饒禪餘遊覺苑朋友好相邀

照軒



本性本明妙如何却妄緣常光常寂照淨智淨空圓舉衆皆  
平等臨機總見前唯除不信者教外豈虛傳  
西來教外傳開悟却憑言心是神通藏身為智照軒法空平  
等座善巧總持門大義靈無盡禪家各有源

### 大寧山堂

禪家能自靜住處是深山門外事雖擾座中人亦閑漁歌聞  
別浦鴈陣下前灣即此非他物何妨洪府間

### 散珠亭

一一今龍口當軒号散珠若教收拾得却恐久長無合浦圓  
相似隋庭夜不殊豈唯能善利萬物有工夫

### 擬王元澤題鳳凰臺

鳳去臺長在園林別嶼連因傷故國事願學老盧禪淨綠澄

江地餘霞散綺天六朝人不見極目旧山川

### 寂軒

本來心自寂不必更論禪我欲辭多事誰來共少緣萬杉青  
鬚裏五老碧峰邊第一幽藏處庐山小洞天

### 天水居士靜宴閣

収心安養處靜不在山中冬暖一炉火夏涼三面風遣時緣  
既薄樂道意何窮莫問人間事勞生總是空

### 洞山訥庵

寂々坐無語何人知此心別傳來自昔密付到如今胡氏田  
園上雷家洞府深高僧庵舍在誰為訥相尋

### 留題東軒

佛子異行藏開軒亦有方故因迎夜月仍得待朝陽群木烟



初暖幽蘭花正芳坐來禪性澹蜂蝶自輕狂

蘓子由東軒

才淹居亦弊道在不為貧未洒傳巖雨且蒙顏  
卷塵曠懷隨處樂大器任天真半夜東軒月勞生屬幾人

快亭

門徑杉松老悠悠日月閑法王真境界禪者旧家山  
祖意傳來又人情自別攀如何快我臆滿座水聲還

清涼軒

夏間避暑處軒戶對巖阿溪水漱無尽竹風來更多  
百骸煩既謝諸祖意如何坐久聞魚戲時時動綠波

清公默庵

久息游方念庵居道可親依と雖有主寂と似無人池裏蓮

從老門前事自新此心誰會得庭柏對長春

寂照軒

幽軒名寂照四海座中閑景物有遷色主人無異顏  
野泉登檻外香靄起簷間涼夜誰相問寥と月滿山

再游永固院

悠と塵世外居者少關心是事有遷謝斯門無古今  
乾坤同永父山水共幽深我愧重來此諸方懶去尋

雪與簷楹面と齊脚頭高处覺雲低水園萬雉半煙雨  
天微四垂湯畛畦と無心猶可拊堂上有路亦堪梯  
若非夢澤胸中小空倚闌干到日西

登且齊雲樓

敬叟北窗

萬里晴空浸玉壺不知何處是平蕪飛來白鳥明邊沒望去  
青山尽處無眼底乾坤如許大人間今古未分初と生佛



已前事一曲漁歌落澱湖

一色軒

古林

道人開軒面綠筠豈唯忘世亦忘身當暑不須揮麈尾自然  
清吹拂衣巾多福數竿生節目香嚴一擊墮聞塵誰知絕粒  
對寒碧不若題詩寄此君

綠筠軒

浙江

爲愛斯樓每獨登夫渠乃朶插青冥秀連海上三神島高出  
潯陽九疊屏始信虎頭誇越絕終慚鵝鼻刻秦銘道猷一去  
無消息瑤草紅泉護石庭

浮青閣

絕怜王謝風流遠奈此溪山醞藉何更著幽亭俯清淺不妨  
老子小婆娑東坡亦有雲門興大白曾經草市過幾度黑灰  
吹劫海巖然金殿出烟蘿

溪山好處

一壑雲深穩昼眠豈知天上有三禪闌干暝色香城翳簾幕  
祥光帝網懸不向人間作霖雨却來僧舍伴茶烟可冷亦是

無羈者野態閑情物自然

靈隱寺栖雲樓

卷

蟠空清吹自度曲一洗人間胡部滛勝力歸來但高卧寒山  
癡絕更幽吟忽驚汗漫魚龍舞肯作伴優兒女音禪子家風  
唯寂寞只應孤月到中林

松風閣

光

覽勝長懷郭景純瑞圖曾此應明君和聲不帶丹山月俊翮  
還連碧海雪地暖三吳春意洽天開百越曉色今筠牕綠映  
桐陰靜方外高風自逸群

舞鳳軒

了菴

透屋秋光小洞庭碧雲堆裏迸繁星飽霜風味偏宜晚拔萃  
文章賸有聲何用異名登列傳政須佳頌續騷經老來無復  
人間夢開此幽軒卧獨醒

毛際可橘隱

丈室崇成法道興南山堂奧要人陞盈筭超出邇多祖十笏  
未誇無垢稱鞭影乍搖飛電馬風斤密運去泥繩父翁家業



今三代一碗靈峯照夜燈

賀淨慈東  
此架方丈

清拙

叢林百丈有清規特設堂安老病師隱几虛心還自照炷香  
孤坐絕它思妙窮正念空三世淨洗餘昏月一墀底意欲從  
何處問毗耶居士飽相知

幹造延壽院

宏智

冷田地

記得東流大法初祖師林下正耕鋤而今林下耕鋤者還有  
當時意也無

逆潮割得脚跟牢誰管無風匝七波占斷山前田地了撈蝦

人少刈禾多

擦田

希叟

軒昂氣宇要爭先及早乘時痛著鞭翻轉江皋千頃浪靈苗  
從此秀棄田

宏監寺開海田

應庵

密庵提得破沙盆蕩尽生涯没一文掘窖深埋猶未了這些

田地累兒孫

密庵塔頭幹田二

浙翁二

一片良田似掌平就中界至甚分明和雲耕破曉天月異草  
靈苗總發生

割斷潮頭大海枯十方世界佃官租寂寥千古平如掌不許  
傍人揭契書

淨和尚天童

山田為愛土膏肥播種東頭已及西慚愧一年春事畢倒騎  
牛唱那嗚呼

種田有作

住黃庵晦堂心嗣若庵南

腴田施我出心田稻果圓兮道果圓千載禪居長禱祝子孫  
昌盛壽綿々

謝象居士施田

清拙二

耕牛五百似雲臻認得王公土地明本分與他真草料異時  
佛祖是伴成

次南禪夢窓和尚謝賜田韻

拚

古柳堤邊展化機要人一飽便忘飢誰將糞食驅耕手拂却



良田種蒺藜

化城山主化田

希叟

大海滔天沒反回濤山浪屋雪崔嵬一鋏翻轉魚龍窟香積  
不從天外來 育王物初捺海田 子元

架

莊宇重上果已成喫油糍話有誰明東村王老道一句耕要

天陰刈要晴

次東叟新莊韻

新溪

檀度蜜緣約遠尋利他方稱出家心巧行端取叢林飽耕耨  
不嫌泥水深地面不平春種玉波痕清淺月浮金栽田博飯  
吾家事一段風規得老琛 利禪人發心巧開海田 宏智

接待

水雲遇夜須投宿飽飯何妨又進程山主豈徒開接待養鷄

意在五更鳴

鷄鳴接待

佛鑑無準

腰包卸却脫芒鞋飯向無心碗裏來更上龜山豈是茶柳閑梨

大似不曾齋

埔村接待

以下系接待

宏窓

望見松林笑滿腮香厨豈為若僧開三千里外有知己鳴雁  
帶書招不來 鳴雁松林 西石二

只个亭山歇脚亭豈圖一飽脚頭輕須知鉢裏和蘿飯粒

無非鬼眼睛

明州奉化剎亭山廟

吳山那畔越山前有飯充飢有榻眠到此縱能休歇去帝鄉

猶隔一潮船

漁潮

絕岸

建了精藍捺海塗寫成一幅似真如要施摩詰搏香手不為

看山展畫圖

分水嶺

子元

編通

雪擁鰲山夜正寒弟兄偏癖不成眠跨門有似者般底正好

教伴納飯錢

鰲山

斷溪

月明如畫九江水天淨無雲五老峰眼飽肚飢難湊泊菩提



院裏聽齋鐘

菩提院

古智

贈麻城接待僧勝上人

覺範

綠髮凋零白業增住庵隨分有規繩為分一邑人家飯普供  
十方雲水僧掃逕客來圓笑靨開軒雲破露寒層君看擊禡  
金牛手坐續山頭柏子燈

重刊貞和類聚祖苑聯芳集卷第三

重刊貞和類聚祖苑聯芳集卷第四

公帝王

六載皇都唱道機兩曾金殿奉天威青山隱去欣何得滿篋

唯將御頌歸

上仁宗乞歸山

住育王

大覺璉

嗣助淨律

佛祖明、了上機上機全得始全威青山般若如、休御頌

收將什處歸

和

仁宗

千簇雲山萬壑流歸心終老此峯頭餘生願祝無疆壽一炷

清香滿石樓

復獻偈丐歸

大覺

湛露重、灑紺園衰殘何以報君恩白雲堆裏焚香坐耀古

騰今不二門

皇帝錫廣鑑師號

住前光

廣鑑瑛

嗣東林總

只箇垂、白髮僧一生兩度受皇恩只憑少室無私句地久

天長祝聖君

受密印師號說偈

住卧竜

破菴先

嗣密庵傑



豁開頂門眼照徹大千界既作法中王於法得自在

今上皇帝在建邺請陞座偈 大慧

含元殿裏顯家風作畧天然迥不同遍界纖塵俱不立良哉

何處不圓通

謝中宮皇后禮觀音

孤峯秀

宋人嗣月林觀

叨蒙雨露恩露鍊樹開花色轉新萬象森羅齊作舞咸呼

萬歲聖人前

撫軍權重邊聲振監國功高帝業寧四海于今歸一統與隆

佛法助承平

和上大塔太子

清拙

丁未龍飛動四溟驚濤曾豈礙揚舠并鰲不露黃金骨跨岸  
誰開白玉京環扈翠華驅海若勒回釣艇問山靈暮鐘萬歲  
千秋頌澄徹竟聽得細聆

金鰲山御榻

北礪

宦臣 儒士附

黃蘗山中話裴相獨龍崗畔憶舒王相公留得溪邊寺千古

佳名在鄭鄉

上鄭相國為免墳地

偃溪五

合從龍首便黃扉盡道登庸十載遲自是袖中霖雨手肯令  
勲業頌皇靈

上履齋吳丞相二

一新更化改絃初人語驩聲謁道途僧自深禪湖上寺不知  
身世在唐虞

宇宙全歸掌握中玄機制勝不言功人將富范張韓比何異  
丹青繪太空

上秋壑賈丞相二

力挽天河洗甲兵爭如談笑淨胡塵山東名並山西重歷  
從來有幾人

聲飛湖海若風雷冰雪曾懷錦綉堆暫借弓刀大勲業分明  
自是翰林才

上陳太尉

雪岩四



慣施武緯與文經就爲嶺機關亦洞明寸刃不施全殺活百千  
諸佛亦魂驚

自於無道亦無禪浪走江湖三十年湘水南頭住窮院幾平  
屋破見青天

無端做了百冤頭公迫私煎不自由安得陽春到寒谷喚回  
清夜一身愁

海涵山育氣如春內相聲華中外聞綱紀禁庭天寵密金璫  
長染御鑪熏

寄都省羅太尉

虛堂

景慕星樞贊密機忘身抗疏犯天威所憂祖道輕於葉不爲  
朝家惜紫衣

上陳樞密

雙杉

萬里江山圖畫開錦帆歸去記重來好於彷彿烟雲裏添个  
翩：駟使催

送楊尚書

石溪二

父翁伯季忠清節凜：同班立聖朝次第到孫：又于老僧  
屈指日非遙

送李國史

晴雲萬壘裏群山崖瀑千尋落樹間定裏驚傳玉駕至祇應  
來奪老僧間

次韻酬李仲思宰相二

中峯四

歸鞭未舉且婆娑平地須知險處多休把世間名字相累他  
岩穴老頭陀

無言童子拂香臺報道長沙學士來爛煮橘皮沙罐公幾年  
生意喜潛回

次韻馮海東待制二

瓦爐燒盡柏根香筆債何須苦用償幸有頓空文字在披衣  
終日坐茅堂

竹椅蒲團倚石屏隔溪新月帶烟明自從陶令出山去閑却  
孤猿數夜声

寄唐秘校

雲蓋本

宋人編白  
雲瑞



同鄉同姓通玄士應念群迷復現身時向菴中開旧論還隨  
法界在微塵

和耐運判李大夫三

真淨三

按行雖是江西漕藜杖分明長者身須信此心能自在為官  
作論摠非塵

公道生平為布施况聞高潔到如今利民利國何人識尤是  
仁慈古佛心

何妨識取主人公妙性雖空用不空王事更繁皆自了未聞  
裴楷獨精通

荅新昌簿求圓通頌

詩句清新更出塵西來祖道更能親雖然頭戴烏紗帽心是  
蓮花社裏人

和楊川秀才

老病踈慵不記心應無狂夢到瓊林水声山色長為伴利害  
徒教似海深

荅馮希道

五祖圖二

淨空居士又相知三十年來只片時今日白蓮峰下見維摩  
元是舊容儀

重會郭功甫

東歸半載漁樵樂北去三年父母來金馬玉堂彈指入寶樓  
香閣一時開

送郭大夫知鉅野

佛眼

上苑玉池方解凍人間楊柳又垂春山堂盡日焚香坐長憶  
毗耶多口人

寄無垢居士

大慧

稽首毗耶金粟身靜中多見閻中人却將不二門頭事時與  
虛空細講論

寄星菴適莊居士

虛堂三

儒釋同科到者稀道融冰雪鑑精微和平堂上公餘坐靜看  
寒雪片、歸

寄婺守趙玉堂

雨化仁陶德愈馨如春物、自生成昔年秀水曾觀政卻與  
蘄江一樣清

上四明守黃侍郎



徑山收得江西信，藏在山中五百年。  
轉送相模賢太守，不煩點破任天然。

寄日本相模平將軍

石溪

同是崇寧癸未生，公為官長我為僧。  
大家履踐通天路，共踏毗盧頂上行。

贈成主簿

應菴

先生標格過先輩，湖上看山五十年。  
見說秋來明月夜，吟詩長到曉鐘邊。

林微君

虛谷

西野先生是舊知，六年相聚不相違。  
松根石上閑追憶，君子當今實有誰。

西塾先生

雲外

徧因訪祖參禪後，拙直尋常見愛稀。  
有道却從人事得，無心應與世情違。  
時光易變誰驚老，真趣難窮自覺微。  
尤荷多才深此意，誼誼聲裏共忘機。

寄蘇子由

真淨四

休話東西北，與南群生佛性妙。  
相參詩書未必無，夫子道德

聯

何妨有老龜，不二靈源誰共覺。  
以三真教自殊探，山間老也為遺物。  
多謝通人顧草庵。

和周開祖

雲賴德風輕舉，力飄然又寄寶山中。  
龍蛇每用春雷覺，草木時將法雨蒙。  
馬祖妙心傳不盡，泐潭靈派瀉無窮。  
回頭為報張居士，豈獨今生外護功。

寄洪帥張天覺二

聞說當年蛇虎穴，法王居後杳無蹤。  
庭幽寂寂深處，山好千重。  
張氏腴田圍大嶺，馬師靈塔簇長松。  
勝遊輸却君先到，還屬南昌一化封。

快馬東風走帝京，歸來門巷綠陰成。  
須知一代文章貴，能致三公衮冕榮。  
子涉風波方筆探，我閑几硯覺塵生。  
贈詩誰似王摩詰，翰墨場中獨策名。

郭伯成榮登

竟範

廣海風塵鴻洞時，天山三箭早還師。  
維舟已讀中興頌，放牧



還歌北伐詩一統封疆恢社稷九疑山風翠卷旌旗鷗盟未冷  
鴛湖上秋滿乾坤酒滿卮 王泉萬戶凱還 月江三

標心脫帽法丹霞借力堂前刻草此塞上不須嗟失馬盆中  
端欲斷疑蛇久懷甘露濯虛骨將意叢林開覺花古渡雪聲  
明月共一壺秋色屬吾家 周秀才出家 宏智

人知百計欲圖官誰信千金難買閑布襖青鞋殘照外石田  
茅屋亂雲間禽聲上下高低樹樵唱東西遠近山見說掛冠  
能事畢不勞招隱自知還 喜葉先生致政

寄荆南高司戶五偈

真淨九

若把心無却教誰辨主賓不知妄想性便是聰明人祇要自  
覺了頓忘能所親但觀佛與祖一：洞天真

知見無生力禪門已了心不從達磨得豈向纏迦尋莫被無

言溺須訪有語沉現成常現在唯悟始知深

小乘修小法妄現寂寥禪務靜無念嫌喧怖有緣不知佛  
世界即是己心田起坐明如日衆生共皎然

學道多沙數阿誰能自尋二人禪悅性千里月明心瑩徹同  
僧俗靈通共古今莫將閑熟解可惜枉埋沉

男兒丈夫志開鑿自家田莫逐雲門語休依臨濟禪二元  
具足法：本周圓但作主中主門：日月天

張文結再任洪州

洪都王者府復鎮見君臣不責絳南越唯佳奉老親江山千  
里舊賓主一時新曾對談禪客慚非下榻人

寄程承事

七十六七八時來又共新青烟池上柳白髮鏡中人但逐年



聖轉焉知佛性真寄言程老子有酒且歌春

寄績溪蘇子由

達人居處樂誰謂績溪荒但得雲山在從教塵世忙文章三  
父子德行二賢良却恐新天子無容老石房

寄無為居士

世俗事無盡養高心自閑蔬園通綠野林塢帶青山丹竈慵  
添火雲菴懶著閑別應修有術七十見朱顏

慶賀

楞伽塔上石湖波寫作千秋一曲歌七十二峯齊點首月明

長滿宋山河

壽趙節齋

愚谷

道尊宗翰玉亭益固維城重典刑八十手扶靈壽杖咸瞻

南極老人星

壽秀王八十

介石

三九佳辰最吉祥入秋幾月現芬芳七枝秀草傳天竺此日

移根畫錦坊

壽秋房樓待制

物初三

一門相業冠中興奕世還生間世英良月恰當三九日瑞呈

南極最分明

壽越帥史尚書

未雪江梅暖自開枝頭的皪見春回默觀造化非無意已報  
和羹消息來

何處鳴翔鴈字遙霜風隨逐夜脩海天空闊重回首彈纒

言前影又高

壽師兄仲舉

子元

泡幻影邊昆弟情頭顱湖海念星聊傾茗椀伸長祝不奈

寒潮到客亭

竹有高枝鶴有齡畫堂宜並老人星錦衣不用朝金闕自有

芝書出鳳城

送竹鶴與鄭郎中壽

古林



春風桃李正斯時誰敢違條把壽庀只合指它千載栢與公  
同作歲寒期

纔過中秋今幾日夜來海月上三更夢魂傳得天書至窓戶  
俱明厖馬驚骨相終當為國器兒声初已識人英明年慶節  
山中友金屋憐君夜直清

蔡元中生辰

覺範

白髮生初慶此朝手移松桂上出曉要知雪操寒尤勁長伴  
庭萱老不凋性養獨慙虧夙志綵衣猶記舞元宵旋添萬本  
青色小作寒江漲怒潮

已元宵種  
松慶母生初

北碕

豐東南嶋嶼青定光金地即霞城半千嘉運當期會五日  
高人共證明躋對三台光現瑞秋高萬壑桂騰英山經先為  
至今識寺到重興國亦清

壽相國

物初二

為國難於架屋難規模做了幾人看太平基向干戈立千萬

間當風雨安臥臥春酣民自樂塞垣秋肅虜應寒中書退食  
還多暇膳種忘憂詠採蘭

冷道士

黃衣捨了混緇衣棄却甜桃摘醋梨酸澁一時嘗過了攢眉  
歸去許誰知

亢道士

無準二

伊予頭腦不相似鼻孔由來只一般冷地自家親摸著老君  
亢戴楮皮冠

鴻道士

月夜無人獨扣舷月華如畫水如天胸中江海混為一未必  
蓬萊有此仙

孤舟道士

即菴

不拜星壇不步虛裂冠來下死工夫地爐深火燒紅葉曾記  
三生舊話無

蜀言道士

虛堂

送周道士

真淨三



歸去靈溪觀匡庐碧嶂深澗松多偃蓋崑崙盡鳴琴不死徒  
食藥長生可練心他年如有道飛錫一相尋

與道士話長生

悠々人共老誰復解追尋豈信長生道分明不滅心魂飛瑤  
闕遠夢逐海山深語此迷方者無勞競寸陰

書道士壁

仙學迷多說當依柱史評無心歸大道有德失長生物我同  
真宰親疎豈可名良哉衆妙本一在忘情

於父母

消息雖真事若何忙中日月手中梭莫言不寄平安信布眼  
爭如望眼多

母寄衣

淮海

夜來憶得出家事煩惱紛々頓入懷未老腕頭先乏力愧難

宗古織蒲鞋

懷母

復岩

胞衣瓶葬海南邊市地鯨波到眼前有例可攀心夫穩蒲鞋  
賣不直多錢

憶親二

雲外二

天不高兮海不深白雲飛處定關心蒲鞋難上時人眼那更  
西風葉落金

皓月娟々照夜堂何嘗不見本生娘八千路逐西風轉特地  
江山更渺茫

送月堂省母

雪岩

洞山有个不歸語老婆心切口喃喃々看它五逆不孝底拈法  
衣來作彩衫

紫岩至西堂歸省

愚極

動靜曾無影迹隨母胎未出已先知西風落日江南路鎖錫  
橫肩是阿誰

南極省親

伽牛

導師頭白思遙禮慈母年高念早還一片孝心江浙上往來



霜雪路三千

淨慈東陽首坐再參  
仰山復飯粥省母

清拙

入我門來先割愛胡為舊路又重行娑婆世界多寒暑一个  
皮囊幾度生

清藏主省親

橫川

織履養親非所奉白金稱壽欲何為知恩一句重相委荆棘  
林中紅爛時

恩知客省親

英隱

露葉蕭蕭月滿庭秋來多夢老人星海山印渚知吾處終不  
深雪獨掩扃

心侍者歸省

虛堂

父母恩深不可忘涼秋時節去錢塘書來紙襖休嫌黑留在  
床頭解放光

雅侍者省親

古林

家在江南急歸白頭婆子罵多時三千里外去行脚却續  
風流小豐詩

書狀侍者省親

住西果  
世源咸嗣無能教

靈山禪起未溫席却問潮陽過海船咨省壽堂春日靜究心

應記白雲邊

實禪者歸省

虛堂

故國胡塵蔽不開挈舟深入武陵溪野桃花映娘生面莫學  
靈雲著眼泥

俊兄歸桃源省母

希叟

一回挨轉娘生面端的臨機不識爺誰信荔支山下路從來  
有客又還家

常兄省親

松坡

父母非親誰最親十年江浙幾辛勤如今冷對廬山面不愧  
當時織履人

繼上人省母

石林

天高地厚絕封疆師是何人誰是娘蕭索一筇煙雨外懷中  
橘熟洞庭霜

省師并母

永宗

雁落秋空剝萬金寥々一片老婆心先天後地難回互風急  
恩波怨亦深

送人得母書歸

伽牛二

賀家湖上舊家山歸去來今慰老顏父母非親佛非道杖藜



今日為誰還

骨肉都還父母了此是那吒向上機要知祖師心地印好將此語為傳持

印上人省親

古林

鬻新織履古來有泣竹卧冰能幾人只把衣中自珍寶殷勤歸去獻慈親

珍上人省親

月江

三更把火入牛欄驚起烏雞帶雪寒空手持帚獻慈母男兒標格大家看

慶上人省母用韻

清拙

夜來霜滿橘臍黃乞與婦人懷冷香到日跨門須轉却白頭不是本生娘

送傳道者省母

宏智

賣

蒲鞋賤買奉孀親千古令人笑轉新大歇別須行一路寧教五逆被天噴

寄大歇退靈岩養母

荆叟

烟冷舊盤陀

庵中與老母守歲二

子元

風攬長林雪滿牀寒藤無葉倚空來誰知戶破家殘處添得黃梁客夢長

梁國踰彌望白雲何如共處寂寞演迤簷指點閑花草說老

婆神向老親

子元住白雲菴侍母

直翁

寒蒲帶雪亂煙汀

片當年業履心浙水東边何處寺一房

門掩洞雲深

僧浙東奉母

月庭

門掩西風木葉深渾鋼鑄出養親心睦州已後無尊宿一兩蒲鞋萬兩金

大歇真首坐奉母

清拙

堂上双親盡白頭逝波拍、向東流潮生野渡思黃蘗蒲長春風想睦州此日劬勞終可報多生心地更須修永嘉未唱還鄉曲曾向曹溪一宿留

禪人敬承  
嘉省親

古林



揭翻父母未生前行脚參方話已圓真法不離心地印好山  
都在屋頭邊鄞江有水通三嶋方廣無雲見五天秋滿乾坤  
風信好卷衣歸趁浙東船

送璘上人遊四  
明天台省觀

了菴

冷伎藝

迦葉曾裝萬德身位承吾祖度迷津彭君藝業多精巧會見  
名超一切人

裝佛彭君壽求

古林

古篆無文作廢刊沒提撕処好生觀千差印定無痕跡月冷  
秋潭玉一團

贈開圖書人

靈叟

入石入木知分數古篆今篆攻豈難祇因雕巧失真跡不見  
全文在世間

鐫者任廷

虛堂

不與尋常點劃同亦非彫琢上論功看渠文彩全彰處印水  
印泥還印空

印匠求

古林

百千三昧一毫收切忌將心向外求撞著玉堂揮翰手自然

高價不輕酬

拙庵

伎藝須還要入微行書草聖亦精奇雖然左右逢原妙左右  
逢原妙是誰

行兼居士書左手字

子元

子以書名識字無定應不學嶺南盧進前退後高叉手此是  
唐書是梵書

淨書五戒

寂庵

別墅荒涼莫下基草堂蕪穢莫言詩琴邊妙得僧絲筆休畫  
鍾山畫子期

謝茶君琴瑟詩畫共能工  
繪余相求語次重筆戲

愚極

妙發僧絲筆下神林翁無路入重雲背翻筋斗風顛子祇得  
盤山一兩分

贈姚肖齋寫真

石林

百千三昧一毫收狼籍春風百草頭到得兩忘心手处方知  
眼底沒金牛

示畫牛居士



活鱖、夢常惺、識得江湖浩蕩情、必竟不知魚樂處、筆端  
幻出似生成

送畫魚先生

石林

蠹書殘碣任陶鎔、展托規模勢必豐、古制存心勲業著、實堪  
收入畫圖中

贈表背周存古

月庭

濟發靈機口角邊、斷崖飛瀑逼人寒、若言列祖有傳受、迦葉  
無由倒刹竿

演僧史錢月林

虛堂

版圖盡復喜時平、誰挽天河洗甲兵、好說放牛歸馬事、漁  
四海樂樵耕

贈陳梅坡演史

雲谷

清名已著凌烟上、幾見秋風萬骨枯、三寸舌頭渾是鍊、空成  
陳後讀兵書

松坡

是處叢林走一遭、敲甄打瓦不辭勞、忽然踏著通天竅、始覺  
從前立外高

修漏頭陀

東山

小巧工夫妙莫倫、不由繩墨運風斤、南山門下成功日、愧殺  
紛、血指人

贈徐都料

淮海

大斧斫開無縫罅、規繩妙用不由心、乳峰信手挿莖草、誰道  
堂前一丈深

送起法堂王都料

石門

釵釧瓶盤共一金、手頭花樣逐時新、須知舉鑿拈鎚外、別有  
生機出巧人

贈銀匠

月庭

密、綿、見不難、多應知暖未知寒重、  
朝雲裏斷山

贈綿匠

住大門雪山雲

嗣新橋倫

綿密工夫要不差、全憑經緯作生涯、渾無間斷纖毫者、一手  
成遍地花

織機人

住葦蕨

毒菴常

撥忙相見千峰寺、日分情多老眼明、覲面一声如漆黑、不措  
磨、轉光生

贈漆匠

石門



墨

頑石從來不自銘為人鐫記大功名試將文墨塗糊敲作  
鏗金戛玉聲

打碑人

硬剝處拶得出一番拈起一番新如今世上無真本切莫  
輕言賣與人

打碑陳氏

斷溪

銅鑲花朵執精通萬柄優曇出水紅縱使法空為佛座也須  
端坐寶臺中

銅鑲吳元輔

端的紅炉百鍊鋼双收双放凜生霜這些柄霸捻得定要截  
諸方短與長

贈弋陽剪剃祝弟

月礪

袈裟相不相同長老穿黃講主紅身子有人長似我與他  
一線一針縫

贈裁衣待詔

住淨慈方山寶刹折橋偏

法身闊狹等虚空盡在金刀玉尺中者一縫親聯綴得黃梅  
石女暗提胸

贈縫僧衣達大夫

石堂

頭上青灰三五斗耳中糝糠兩三升好將寸鍊頻磨淬識取

深山古寺僧

陳生淨髮

住承天閑極雲嗣虛堂

不較工夫不要錢誠心要結衲僧緣庐山面目知多少霜  
一彈秋夜蟬

結緣淨髮

古林

精藝家傳壓雪行風蜚寸刃冷含光山僧毫髮難瞞汝金利  
雖無却有霜

供堂淨髮陳待詔

樵隱

眼正心明識病源諸訛只在口皮邊老胡缺處添些子勝似  
鬻膠續斷絃

醫牙

率菴

試向膏肓下一針風前聽取蜀蟲吟只將此術行天下驗盡  
諸方病淺深

贈針灸道人

東谷

藥知性亦病知源誰管屍靈骨已寒痛下一針双眼活耆婆  
應未得其傳

鍼醫

大川



從前佛祖不知蹤盡向先生指下窮不是教伊閑咳嗽言凶  
全在此声中

聽聲明脉先生

混庵

爛擣虚空為細抹濃煎滄海合成丸回生起死祇這是誰解

渾崙一口吞

指上人能醫

東岩

鄰破一塊爛枯柴幾見春風長綠苔豈謂先生也相許駢年

決定放花開

相士五

無準

面如生鍊鑄昆侖有底榮枯到汝論謾說青三亭畔竹春風

幾个有兒孫

無文

道我是牛無兩角道儂是馬欠双蹄先生擬議相不出山鳥

一声殘照西

雪岩

氣色如何又若何相書收起莫多羅雲三百甕黃齋了冷氣

侵入菜色多

南極

相孤雲入帝鄉只將此語播諸方鍊山古廟香炉冷不必

先生話短長

鍊山

秋涵銀海碧波寒鑑徹人間禍福源道我他年住山去囊中

那有買山錢

秋鑑相士

斷溪三

摧殘朽木墮林坳舉世咸知不可雕谷口樵人偷眼看却言

寒夜亦堪燒

谷口相士

面孔寒酸舉止麤鼻頭突兀眼睛烏夢菴一見便相許解道

駢年上祖圖

夢菴相士

鹿皮冠子結烏紗電爍双瞳足劍家三寸舌頭春爛熳照教

枯木也開花

電眼相士二

雪岩

口觜波翻勝旧時秋深薄暮歎岩扉自言眼裏瞳人活慣弄

諸方掣電機

石門



青眼先生一見渠便言風骨異當初這般業識茫、底是馬  
何曾啗作馱

青眼相士

住淨慈北海心願極惠

閱世双眸自有神酒澆胸次語生春一蓑衣底乾坤大切忌  
忽、說向人

相士朱蓑衣

石田

星數推來定吉凶最嫌月孛照身宮老僧遇著呵、笑尉斗  
煎茶銚不同

贈星數道人

妙峰

道骨稜、世莫同周天列宿在宵中夜來北斗從西轉試問  
如何定吉凶

筆星數道人

東谷

達心須達自家心造化窮通古到今昨夜南辰移向北曉來  
紅日又西沉

贈達心陳星學

古林

簡齋挾術走江湖算我生來事、無只有今年較些子甜瓜  
生得苦胡芦

簡齋算命

斷橋

聞道先生解五星好將此術謁公卿山僧若遇羅睺自有  
消災一卷經

住天平 中山頴 虛谷

門頭戶口要先生把定牢關不放行晝夜惺、歷、處方知  
日午打三更

監門打更人

住天隱 瞻堂遠

勤

拳來踢去疾如飛必竟輸贏是阿誰鬧裏有人能著眼未曾  
交輒已先知

看相撲

癡絕

百尺琅玕摩碧空四方八面絕羅籠等閑進得竿頭步千聖  
齊教立下風

上尖竿

百尺竿頭一步危真誠不是小兒嬉是他踏得虛空穩履險  
還同履地時

上竿踢弄

斷溪

人踢毬、毬踢人眼頭親似脚頭親隨他高下知多少要會  
虛空裏轉身

踢毬

清拙



一聲鼓盡一聲鑼鬼面神頭有許多百般伎倆都做了看他  
合殺又如何

傀儡

鼓聲繞動笛聲催妙舞師承獨許伊立地有人知變相當場

不是小兒嬉

傀儡教頭二

石門

拍三歌子拍三吹鑼聲鼓韻不停槌寸絲牽著和棚動一笑

千金付與誰

子元二

生涯喪盡實堪憐二面灰頭入市廛籃裏青蛇不拈出只將

空手覓人錢

弄蛇乞兒

打鼓檀栾看不休紅塵影裏逞風流改頭換面從誰得妙用

全歸一指頭

贈弄影戲人

浙翁

園

祖父田園無寸土一條白棒當生涯使來使用應無敵海上

橫行駿作家

使棒人

了堂

萬竅怒號天地靜一音演出百千般个中閑挨無多子撥轉

機輪在舌端

百鳥鳴人

率菴二

聯芳樣子絕栽培密用工夫妙剪裁最是不勞春氣力利刀

頭上百花開

剪花樣人

張雪湖家肯宿盤坐中著眼恐應難似華表鶴仍同姓與華

山人不兩般客舍須尋佳處住熟官多是冷時觀却須索我

形骸外莫作三支一等看

贈丁相士

北礪

草蕪門徑過從少那料秋來夜話同屋漏移床時發笑粥稠

當飯巧於窮我留癡絕傳身後君見平生似掌中明日渡江

應轉首數峰無語晚連空

唐生能詩  
手文乞詩

望先範

幾向天文認少微公卿往在茅茨虹蜺豈可無伸處豹隱

終須有變時遠思自連雲影動高談不覺樹陰移相逢勿謂



成空過一盞清茶更有詩

贈日者豹隱

物初三

四事區分一理通幾將周孔合神農醫家自貴能專業儒術

相兼又不同大底好生方是德多番起死不言功法華三昧

何殊別妙在曇花一現中

儒醫周學諭

技超同列播神京層寸柔毛束縛精橫驚文場蜚駿足如當

大敵得奇兵棗心久稱施募畫鏐管何煩較重輕寫換經

無此手家雞野鷲付清評

贈筆工

入院

瞎馬生得瞎馬兒齷齪声名徹四維更把少林無孔笛逢人

應是逆風吹

送拙者住鴻福

住天童

密菴條

嗣應庵筆

殺阿羅漢恣無明造疏三塗累劫因自作不妨還自受出頭

誰是我般人

送人住羅漢

荆叟

百戰金吾出鳳城不論滅寇與添兵天高蕩月涼如水誰聽

虛弓落雁聲

橫川住雁山靈岩

子元二

棒喝不曾輕動著為人只麼據繩床分明一面湖州鏡毫髮

當頭無隱藏

石林瑞世安吉上方

南洲

一斑綵露便驚人隆祖門風又斬新磨礪齒牙如鍊礪看誰

帀口裏橫身

帀丘無機和尚

栢堂

曾騎鍊馬上鍾山望陣衝開圓悟關血滅梵天功業就太平

得路唱歌還

章偃翁住太平

新溪

圓通面目沒遮欄要識圓通面目難怪得為人心太切家

窓下見廬山

東岩住圓通

松坡

廬陵米價又翻新令肅冰霜斷要津大吹青原自家路月明

也有醉飯人

古田住吉州祥符

子元二



出門便是草萋萋。雨洗千年折鏃泥。眇眼只論功蓋代。何人

猶聽五更鷄。

伏席岩住石霜

海國波平穩。夜禪接初機。句若天然現。成槽棹風帆。便底事

無人肯上船。

嘯雲住昌國普濟

直翁

說法聲如動地雷。小南鋪席又重開。成羣引得獸尊者。遠

也從高麗來。

庐山羅漢老子

月礪二

天上光明四度登。古今屈指幾人曾。放光近向庐山頂。莫謂

文殊夜放燈。

玉崖朝京住天地

鼻笑諸方作戲場看。棚上到君忙。從來美酒無深巷。莫怨

春風舞袖長。

高老瑞世

淮海

東山暗號落誰邊。少爛柯消得正傳。盡大地人皆換骨紛

來覓渡頭船。

法姪仙樵瑞世廣福屋

住方孝  
燕窓清  
嗣新翁瑛

晚年再住江邊寺。杳。長廊吹北風。井竈生塵無飯喫。衲僧

甘聽話西東。

送寧西堂再住報國

商隱

萬松吟步獨遲。心與身閑道自肥。一對駢人双碧眼。眉間

掛劒力韋希。

錢真如無李膺  
日本福山之命二

住太公一峯齊

嗣德溪

石橋五百聞退舍。泛船來迎過海東。黃金不鑄黃金像。去起

東山臨濟宗。

不豎拳頭去。荷鋤為人何用鑄。人模東禪儘有閑田地。賸種

黃花三四株。

庵主住陶莊東禪

松坡

真實提綱振祖風。錫山雲冷帶秋容。是誰不識此時意。且向

侯家看草虫。

送常州人住院

南洲

方丈中。職莫輕恣自然久。見全功。楊岐只是會。藍寺踢出

馬兒振祖風。

送靈石齋物長老

橫川



對文箋釋通人到破句分科作者難不見澧陽焚鈔者棒頭  
拈出尚寒酸

寄晦岩佛光法師二

虛堂

佛光疊、寵殊恩集慶分燈下白雲一句不知誰道得天香  
桂子落紛

教眼通身會者難雲生華頂萬尋寒凜崙不用重華磨擲入  
鄞江普請看

晦岩再主南湖

子元

塵刹、布全威華雨堂前宿將旗刁斗只聞空劫外灼然  
誰敢犯重圍

四海六民皆走利東禪講主只談禪何年去住靈山寺招我  
岩間看白猿

東禪宗周講主

古田

如意來尸釋梵宮雨花狼藉濕春風自慚老矣無靈骨日在  
深雲聽講鐘

寄集慶開山

花信風前似有期爭知梅子熟多時望林止渴人無數真把  
松花當土宜

分石住大梅

愚谷

小玉声中認得些至今兩派尚迷麻阿師不雪鄉人耻鼎  
教誰辨正邪

高原瑞世梨洲

即庵

潮三忽轉石頭城大舍峰高側耳聽五百个僧都不會教他  
一、侍巾瓶

清涼淮海住萬年

大川

接人籌室肯雷同月活兵機不犯鋒把定牙關輕放過一人  
標記一株松

寄賀天童減弟二

希叟

老饕八十再生牙爛嚼虛空吐出滓點綴玲瓏岩下草枝  
葉是墨花

迦葉師兄肉不同等閑踢倒妙高峰草鞋去掛龍林角扁咬  
南山老大虫

大川赴淨慈

夢龍



火亂灰飛三十載雲寒月冷二千年如今已落退耕一寬著  
程途急著鞭 退耕赴嘉興天寧 石溪

雪庭消息幾春風千尺寒潭起卧龍沒興亡軍州管內又添  
一喝滅吾宗 禪雪庭住四明天寧 松坡

丫頭女子髮如霜笑把金針出洞房七十二峰雲乍合夜明  
簾下繡鴛鴦 肯菴住澶州報恩 愚極三

開堂不立五君臣參夜休分四主賓一片仙居華頂石自能  
躡倒到來人 舉止堂住仙居奉聖

便將大地作禪床正是摩訶般若光秋晚短篷誰夜月故山  
茆屋石田荒 默識翁住般若

冷泉三月雷驚蟄野庵金鱗化作龍挽去鼻頭涓滴水洗清  
雁宕幾千峰 賀洪錦溪住雁山能仁 子元

老氣如虹久屈蟠把茆容易入深山長庚未話腸先斷冷債  
如今要得還 澗首座出世上雪豆 介石

人從五髻峰頭去接得天台一信來報道石橋南畔寺優曇  
新放一花開 斷橋出世祇園 斷溪

懶織蒲鞋罷養親入蟪蛄眼鼓烟塵只將打發雲門手更與  
玲瓏接一人 天童心首座出世仗錫 希叟

曷送主持芝下寺祖翁一个破沙盆寒酸固是難開眼煮飯  
猶堪煮菜根 送契首坐住鴈山靈峰 橫川

分得盧公月半簷辦香應合為渠拈靈岩若果是沒分曉又是  
婆罵老遲 首座出世靈岩 任神社 隱岩 嗣唐舟度

首座已出世了也崇山瑞色擁晴空自知結得寬僧甚無怪  
逢入罵雪峰 光首座出世崇福 樵隱



七十平頭心已安隨方去住似雲閑又携華頂千重藏向  
深三清水山送無相首座赴法樂清拙四

歸雲瑞氣霽門庭間出優曇異世馨昨夜周防千嶂雪獨看  
乘福一峰青鏡空首座出世乘福

輕  
五百僧龍壓上班遠提鉤斧鎮龜山巨峰不用輕垂足二十  
餘年大國還無著緣首坐住西禪

慈雲不似玉雲閑為雨為霖出世間今日諏方太湖上又添  
新寺入諸山慈雲石梁長老

睡虎鍾山睡正濃席符一到便生風血淋地知何處咬殺  
南山岑大蟲聰藏王住湖南智度二靈叟

萬仞庐山信脚行笑携岳頂一枝藤湖南打雨打風云活取  
當年查渡僧

芳名躍出盡歡呼罔象無心自得珠千丈靈湫作甘澤一輪

慧日耀昏衢岩西老子肉猶暖春兩禪翁德不孤遙想爛熳  
塗毒鼓聲聞百越與三具寄安長老出世慧日月江二

宰官明足察秋毫藪鳳郊麟不可逃未有長行而不住必須  
就下始升高祖師自有真鉏斧王庫初無如是刀七十二汀

烟水碧高提兔角與龜毛贈靈隱敬庵主瑞世奉化太清  
春晴策杖步崎嶇行盡崇岡入乱岑大義開山唐梵剎佛燈

說法宋禪林靈禽異獸間來往綠草紅花自淺深聞說下方  
風水好又移基荆碧溪陰賀慧日輟翁龍岩

學  
去住還如珠走盤又携瓶錫下人間開臨濟三玄要靠倒  
韶陽一字關利海魔皆屏跡人天龍象亦閑叢林莫謂

今牢落行看吾宗古道還寄碩石再住吳隱竺日心嗣愚極惠



三玄三要古難分，破綻從教剔。突崙父母未生前，一矢言詮  
不到處。重論推開臨濟百年意，推出汾陽六世孫。何用老婆  
更饒舌，暗中五色自成文。

送太濟長老住明教

竟範

萬鍛爐中百怨門，哲人雖往典刑存。掃除臨濟實頭謗，稱當  
黃龍的骨孫。夢澤於菟三日視，丹山雛鳳九苞文。還鄉妙曲  
誰能聽，一笛波心兩岸聞。

送淨心大師住溫州江心寺

**示衆**

爐邊靜坐默無言，勿論麈尾若市廛。冷暖此中看火色，祖師

心印為親傳。

示園爐僧

佛眼

求心未諦等，人不來。若花曉來兩寂寞，為誰開。

示衆

無用頑皮作氣毬，誰人趯得上高樓。如今潦倒渾無力，輟得

行時即便休。

住東林山菴顏嗣大惠

盤陀石上共安居，水遠山高一事無。唯有多情峰頂月，夜深  
移影到塔陰。

三十三州七十僧，駟馬領得人憎。諸方若具羅籠手，今日  
無因到淨明。

菴山淨明菴小參示衆

應菴

著脚孤危草不生，沒樓泊處等閑行。臨風闊却噓空口，斷送  
渾家入火坑。

或菴

男兒脚底透長安，得坐披衣肯自謾。三尺冷光輝夜月，一條  
秋水逼人寒。

近時直指似蘭亭，棗木梅花總不真。孝本不逃蕭翼眼，諸方  
亦有姓蕭人。

示僧

北磬

東山不管諸莊旱，無人領話最憂深。見孫漸，生涯別翻笑。



當年錯用心

示徒

投老菴示衆

真淨

九峰山色裏拙者草庵深投老遂疎懶問禪徒訪尋欲知諸  
祖道不越衆人心彼此同成佛聊爲直指吟

六。退院

道薄常慙繼祖猷退居崑石任春秋齋時自有盡羹飯六合

清風卒未休

退居寄承天偶作五

雲峰

道薄常慙繼祖天瞬眸金色已虛傳而今猶舉僧伽服端坐  
鷄峰誑後賢

道薄常慙繼祖燈老來林下笑盧能抱腰特石長三尺不愧

黃梅會裏僧

道薄常慙繼祖心九年何事絕知音到頭無賴空迴首皮髓

分拏直至今

道薄常慙繼祖門隨家豐儉且安貧掌間日月須弥走把住

南星對北辰

天下聞名塗毒翁一搥退鼓越山空冷泉亭畔沽私酒醉倒

西湖九里松

退能仁回靈隱

住徑山塗毒策杖游

住山久有烟霞疾得請放還麋鹿群厚意於公殊未報深禪

聊復對爐薰

再得旨退褒山和錢守二

出岫油然亦乘興勸飛隨意即知還有心知到無心域鳥恋

故林雲在山

六年灑掃皇都寺瓦礫翻成釋梵宮今日功成歸去也杖頭

八面起清風

退淨慈

水菴

六年心念已灰寒幾欲求閑不得閑今日不求閑自是一枝



藤占幾江山

天童退院

西岩

湖上捐金買廢田侯家心切養蒼生一犁春雨雲千頃不用  
牛耕肉馬耕

退法華謝趙府

希叟

業緣虛幻事徒然憂衆憂荒太可憐一塢深雲消白日乞將  
衰朽樂殘年

謝事

住徑山止泓鑒

嗣德溪翁

無心住院無心退也有傍人說是非老子耳聾都不聽倚長

松樹看雲飛

退院後寄本源二

古心誠二

平生赤脚走埃塵不獨人憎亦自憎業債通身償足了者回  
還我作高僧

勝剎當年偶重棲老來猶占自知非欲憑別選僧中德可使

重拈石上衣法付王臣千古振道期高下一心歸何妨免我

羈留事閑為君通佛祖機

退居剎判官以詩  
見留次韻奉荅

真淨

只應岩谷寄衰慵薄福那堪繼祖風持鉢四年供老宿折腰

幾度向王公興來又似雲出岫棄去宛如龜脫筒快活今朝

無著處一声長嘯落千峰

退天平

浙江

退洞山上毛大夫

真淨

名山不到處閑欲遍追尋擬把新豐月將還悟本心禪門無  
著姓仙府有知音聞說寒巖在天台第一深

公辭免

供用事業冠簪紳裴相誰知是後身就鵲嶺不忘吾佛囑時二

收錄卧雲人

謝王之望

住鼓山山堂洵

嗣佛心才

大地都盧一亦菴塵毛刹海悉包涵山僧已在其中矣更欲

招邀即不堪

謝張亦菴

住華嚴

遜庵演

嗣大五早

我公正眼頂門開金粟分身與麼來暫向三山為雨露即歸



調鼎作鹽梅

謝胡提刑辭鼓山

二任天章

枯禪鏡

二編卷

老病餘生越者稀  
漸無道德警群迷  
恩光厚大如山岳  
乞與孤雲自在飛

石鼓風烟慘未開  
住山正後活如來  
可憐萬衲傾心久  
渴思生塵日望梅

和再請

胡公矩

一性圓明世絕稀  
分燈何惜照群迷  
信緣定肯幡然起  
杖錫凌空鶴與飛

剝啄敲門定眼開  
驚傳釣翰入山來  
倚岩枯木摧殘甚  
空實陽和到一回

辭免呼呂

妙峯

鼻繩掣斷已多年  
潦倒松楸澗草邊  
相國恩波如海濶  
何妨乞與日高眠

三十餘年獨掩關  
使符那得到青山  
休將瑣末人間事  
換我

得

一生林下閑

上耿龍學辭瑞岩

貫首座

萬仞峰頭雪作堆  
一株寒木倚岩隈  
青不改歲寒標任  
春風吹不回

謝趙福王

瓊首座

一悟心空萬境閑  
肯將名字落人間  
如何獨有王夫子  
剛把公文勒住山

上王公辭天寧

戒首座

兩點眼光牛背上一  
窩春色落花邊  
世緣不到山深處  
只恐山深起世緣

寄戒首座

顏頤仲

頻一開身塵俗外  
空雙老眼水雲邊  
日高二丈睡猶穩  
便與青山有夙緣

和

戒首座

箇是皇朝無事僧  
談禪說道恣無能  
頽然送日猶嫌費  
敢把虛名玷祖燈

辭李帥招

明首座

道人高卧稅不來  
凜冽清風起懦頽  
太守無由親問道  
辦香



聊寄小師回

寄明首座薛雪峰以香為供

趙希濬

石橋南畔萬年松六載清陰手自封霹靂一聲驚變化又將移上祝融峰

淮海二

永雪堆中萬木摧日邊吹暖到江梅枯枝自歎生來地縱得春風也不開

薛史丞相呼召

湖上牢一把一閑孤危獨立絕躋攀老無定力隨風轉又向南山過北山

薛淨慈赴靈隱

石田

長將日月充饑腹旋摘烟霞補破裘一字尚猶守不正豈能叉手對公侯

薛住山

無量

石牀久矣卧雲林六十銀絲兩鬢侵海上浮盃心已息掬溪容我竊棠陰

上四明守黃侍郎薛廷福

虛堂

故園望斷碧天長那更衰齡近夕陽補報大朝心已畢送歸

太白子殘生

薛檀那求歸唐

子元

來結高平石上緣嘉聲何獨遠公傳他年有會重相見脩竹

蒼松在目前

薛天平檀越二

古林

一方香火白雲深崖屋重、蘚暈侵十載登臨同一日不勝

依荷衆檀心

呈筠守徐朝議薛九峰命二首

真淨

捨家從學道無用樂天真豈謂至愚者仍慚老病身不堪為度世止合作閑人乞放歸山去憮然老百春六十四年期既闕已是遲一身終有限萬事盡無時學道當求靜為僧亦合宜蜀江賢太守外護却應知

重刊貞和類聚祖苑聯芳集卷第四



